

RADNA GRUPA ZA LJUDSKA PRAVA UTVRDILA PRIORITETE ZA 2001.

Radna grupa za ljudska prava (Human Rights Task Force), ciji su članovi celni ljudi vodećih međunarodnih organizacija koje djeluju u BiH (OHR, OSCE, UNHCR, UNHCHR i UNMiBH), sastala se danas u cilju utvrđivanja i prihvatanja prioriteta iz oblasti ljudskih prava za 2001. godinu. Sastanku je prisustvovao i Ministar za ljudska prava i izbjeglice BiH, gosp. Martin Raguz, kao i sefovi i predstavnici domaćih institucija koje se bave zaštitom ljudskih prava. Na sastanku, kojim je predsjedavao Visoki predstavnik Wolfgang Petritsch, naglaseno je pet oblasti na koje će međunarodna zajednica koncentrirati svoje aktivnosti u 2001. godini.

- Prvo, povratak izbjeglih i raseljenih lica će i dalje ostati centralni cilj u 2001. godini. Broj manjinskih povrataka (52000 u 2000. godini) ukazuje na činjenicu da su u protekloj godini ostvareni značajni pomaci. Međutim, uprkos velikom pritisku koji se vrši na lokalne organe odgovorne za provedbu imovinskih zakona, pomaci u mnogim područjima Bosne i Hercegovine su i dalje neprihvatljivo mali, a sveukupna stopa provedbe ovih zakona u 2000. godini se popela sa 8% na 20%. Osnovni razlog leži u sporosti promjena politickog okruženja i politickom opstrukcionizmu općenito.
- Drugo, potrebno je uraditi više u pogledu reformi sistema pravosudja i policije. Radna grupa za ljudska prava je pozdravila nedavno osnivanje Nezavisne pravosudne komisije (IJC), koja će biti nezamjenjiva u procenju i pružanju pomoći procesu promjena unutar sudstva u BiH.
- Treće, takodjer je potrebno uložiti napore na stvaranju održive domaće strukture koja će biti u stanju da ispuni prioritetne zahtjeve postavljene pred institucije

ljudskih prava u BiH. Visoki predstavnik je naglasio važnost povećanja stope provedbe odluka i izvještaja Doma za ljudska prava i institucija Ombudsmana u BiH u 2001. godini.

- Četvrto, međunarodna zajednica će poduzeti mjere na identificiranju i smjenjivanju sa dužnosti onih lica na javnim funkcijama koja ne ispunjavaju svoje obaveze u skladu sa pozitivnim zakonskim propisima.
- Peto, Radna grupa za ljudska prava je naglasila da Bosna i Hercegovina mora postivati obaveze koje proizlaze iz međunarodnih sporazuma, uključujući i ispunjavanje zahtjeva Međunarodnog krivičnog tribunala (ICTY) i pripremanje i podnošenje zakasjenjelih izvještaja odgovarajućim organima iz sporazuma o ljudskim pravima.

Visoki predstavnik je naglasio da za promoviranje vladavine prava u Bosni i Hercegovini nisu potrebni samo stalni međunarodni naponi, nego i snazan domaći angazman. Prioriteti i preporuke Radne grupe za ljudska prava prihvaćeni na sastanku mogu se dobiti u Uredu Visokog predstavnika.